

zinsztage an arg und an allis geverde. Denselbigin obgenanten zinsz habin wir den obgenanten herrn Johannes und Katherinen, synir muter, und czu dem vorgeschriben altar vorkauft und gegebin umbe hundirt und umbe czwelff ungerische gulden, also daz eyn iczlichir gulden kumpt umbe vierczen gulden, dy sy uns bereit becvalt haben czu gutem fromen sagende sy der quid, ledig und loz, das wir / offinwerlichin an unsir stat fromen und nucz gewant habin. Auch gelobin wir obgenanten rathisluthe der vorgeanten stat Czwigkaw, daz den genanten unsern gloubern und eynem iczlichim vorweszir des altaris an der becvalunge dez zines sal uns nach sy keyn gebot nach vorbot bischoffe, fursten, richtir, voit, nach keyn gerichte, nach persone, nach gewalt, geistlichin, nach wertlichin nummer gehindern an argelist. Sundern wir wullen und sullen den obgenanten zinsz czu dem obgeschribin altar und eynen iczlichim vorweszir dez selbin altars becvalin uff dy obgeschr(iebene) tagczit an alle schedin und allirley intragung und vorziung allir helffrede auch globin ...^{a)}

1) Original: Zwickau, Stadtarchiv, A*A III 5, Nr. 20, 1431 Mai 11. Siehe UB Zwickau Bd. I, Nr. 327; siehe auch Bd. II, Nr. 713. a) bricht ohne Fortsetzung ab

871.

1439 Juni 24

Stechaw verpfändet einen Acker.

fol. 163v Actum in die Johannis anno domini etc. XXXIX^o hat Stechaw und seyn eliche wirtin Niclauszen Funkeln und Jorgin, synem sune, czu eynem phande benumet und yngesaczt den agkir, gelegin an Mergintaler strasze in den lehen, vor sulche summe geldis, dy er yn schuldig ist, nemlichin Niclaus Funkil 23 fl und Jorgin, seynem sun, von der estiftung wegin 13 β 20 gr. Sulch gelt Stechaw^{a)} Funkiln^{b)} und synem sune uszrichten sal yn eynem jar. Ab daz nicht gesche, daz sy sich dez obgeschribin geldis an dem genanten agkir vor ydirmenlich doran irholen mag und ist der bethe agkir by dem crucze. Auch sal Stechaw aldywil fruchtigin und genyszen.

a) folgt durchgestrichen und b) folgt durchgestrichen uszrichten sal

872.

1439 Oktober 24

Knuth verpfändet sein Haus.

fol. 163v Actum sabbato ante Symonis et Jude^{a)} anno domini etc. XXXIX^o hat Kunth seyn husz gelegin im Widach czu eynem phande eyngesaczt vor 7 β